



Dus mats retschaivan infurmaziuns davart in roboter spezial.

FOTOS G. N. STGIER



Sergio Guetg, il moderatur dad RTR.



Bler travagl er tar il stan dals bostgers.



Lavurar cun metal è er stà pussaivel.



Il stan da las frisunzas era bain occupà.



L'economia dovra er manuals.

L'interess è danovamain stà grond

L'exposiziun Fiutscher è a fin

DA GION NUTEGN STGIER / ANR

■ Da mesemna fin ier ha l'exposiziun attratg l'interess da passa 13000 persunas. Ils organisaturs da l'Exposiziun grischuna da professiun e furmaziun han fatg ina bilantscha positiva. Cuntents cun l'occurranza èn er stads ils expositurs. La tschintgavla ediziun da l'exposiziun Fiutscher tutga gia al passà. L'interess per quell'exposiziun da professiun e furmaziun è sco gia avant dus onns stà fitg grond. Da sa preschentar a scolars e scolaras, a lur magisters ed a lur geniturs en il mais da november para d'esser il temp ideal per l'exposiziun. Pertscherta da quai è er l'Uniun grischuna d'artisandi e mastergn, ella ch'è dasper las associaziuns da professiuns l'inizianta principala da Fiutscher. Dapi l'emprima exposiziun il 2010 è il dumber dals visitaders e dals expositurs permanentamain s'augmentà e quai è bain ina conferma che l'occurranza vegn stimada da vegl e giuven.

Cuntanschi las finarmiras

Ils organisaturs da Fiutscher cun *Rico Cioccarelli*, il president dal comité d'organizaziun, e cun *Jürg Michel*, il director da l'Uniun grischuna d'artisandi e mastergn, èn sa mussads fitg cuntents da l'interess per l'exposiziun ier dumengia a las 16.00 cura che Fiutscher 2018 ha serrà sias portas. Omadus han ditg che cun in uschè grond interess da la vart publica sajan las finarmiras ademplidas. Ils re-



In mecanist da camiuns declera a trais mats sia lavur.

suns positivs davart dals magisters e cuntunt er davart dals expositurs animeschian da cuntinuar cun l'exposiziun. Visità l'exposiziun da professiun e furmaziun han passa 3000 mats e mattas da las classes superiurars da l'entir chantun. Quai vul dir ch'entupà han ins scolaras e scolars da Mustér fin Müstair e da la Mesolcina fin il Partenz. Funziunà fitg bain ha er il viadi dals mats e dallas mattas cun ils meds da traffic public e lura er l'alimentaziun dals uffants en la halla da la citad da Cuira.

Er ils expositurs èn cuntents

Cuntents cun il success da l'exposiziun èn er stads ils var 300 expositurs, els ch'èn natiralmain las persunas da contact per ils scolars e las scolaras e lur magisters. Cun paucas excepziuns han tuts testifitgà d'avair cuntanschi la finamira da preschentar als giuvenils ed a lur geniturs las pussaivladads che sajan avant maun per che mats e mattas sapian far in emprendissadi. Fiutscher saja ina fitg buna platafurma per mussar la gronda vastadad da tut las professiuns ed er da cuntinuar suenter l'emprendissadi cun ina scolaziun supplementara. La gronda part dals expositurs ha ditg che l'Uniun grischuna d'artisandi e mastergn e las associaziuns da professiuns duajan cuntinuar cun l'occurranza. Tut en tut saja er l'ediziun 2018 stada in vair success cun uffants, geniturs e magisters interessads, han ditg ils expositurs dumengia suentermezdi cura che Fiutscher è stà istorgia.

A fin cun ils represchentants da la politica

Ier dumengia è stà il di uffizial per ils represchentants da las instanzas politicas regionalas, chantunalas e naziunalas. A pled è er vegnida *Tina Gartmann-Albin*, la presidenta dal cussegl grond. Ella ha cuntunt fatg attent a l'impurtanza d'ina buna scolaziun e furmaziun. Undrads èn lura er vegnids ils victurs e las victuras da medaglias da noss chantun tar las maistranzas svizas da professiuns Swiss Skills 2018 a Berna.



Ir cun in vehichel almain visualmain.